

芒洛冢墓遺文四編卷六

上虞羅振玉錄

唐

趙妻裴琬墓誌

高廣各一尺五寸二分
行二十二字不等正書

故賀州長史趙府君妻河東裴夫人墓誌銘

并叙

朝請郎前行太常寺主簿李老彭撰

夫人諱婉其先河東聞喜人也自漢魏已還世有明拓軒
裳累葉為海內冠族故名謚宗姻備詳於國史家謀矣
皇考曠克紹前烈休有耿光開元中官至御史中丞夫人
即中丞府君之第七女隴西李氏之出也誕生德門稟質
純懿貞淑外朗高明內融行已必資於惠和奉上無僇於
禮度爰自未齒迄於成人既笄有行適賀州長史趙浚心

為關右望族公侯胄自作嬪君子主饋家人柔順以睦
閨門孝敬以承宗祀恂恂奉此罔有墜焉不幸趙君中年
先逝嗚呼共伯早亡鄧攸乏嗣故夫人情禮加等憂感內
傷以大曆九年七月十八日遘疾終於長沙從兄宦也享
年卅二摧寔於長沙屬中原多故未克返葬大曆中母兄
諫議大夫虬孝思同極改北

先塋遂遷五父之衢

將置萬家之邑以夫人夫族凋落裡祀無主永念同氣幽
淪異鄉乃命猶子繼宗遠赴江潭歸櫬輦洛舟車萬里旌
施雙懸以大曆十三年十一月七日合祔於邱山北原次
中丞府君塋側從周制也夫人承積慶之後體恭懿之德
宜膺戩穀克享期頤而天道匪忱生涯戾闕秀而不實為
痛曷深勤銘泉局以紀松檟銘曰

婉孌洲女兮唯德之良穠華不實兮青春隕霜母兄宅北

兮猶子謹來遠自江嶺兮返葬北邙于嗟斯人兮瘞此林荒

盧寂墓誌

高廣各二尺零六分三十一行行三十十字正書

唐故太子司議郎盧府君墓誌銘并序

子壻朝散郎前河南府河陽縣尉柳纂撰

府君諱寂字子靜范陽涿人也即北齊黃門侍郎思道之耳孫曾祖承基皇主客郎中郢州刺史祖元疋沔普嘉三州刺史父光遠京兆府奉先縣丞妣扶風馬氏父士會南州刺史公奉先之次子也自太廟齋郎歷濟泗台三州錄事參軍轉嘉興常山二縣令次授城門郎司農寺丞太子司議郎詔命致仕凡八遷焉公忠讜亮直臨大難而不撓屏奸嫉惡奉至公而無媿嘗為泗上從事是

時安賊亂□鄆守李通誣州將陳彪獻款於寇遂繫深狴
公懇到誠請彪乃雪枉及彪□臨海因薦公為錄曹
掾斯讜直也又為嘉興令當廉使李栖筠之臨焉邑人陸
曾者居客梁東道者曾實險詖在江湖為羣賊之藪道則
詭異結權勢為一門之援公至止之日曾乃移鄉道則
就刑斯屏惡也噫夫事長義而東平不錄宰邑正而元戎
靡聞何策名於聖伐祇沒身於議郎以貞元九年五月
八日終於河南縣道光里享年八十一夫人河東裴氏祖
守忠宣州刺史父子餘銀青光祿大夫給事中翼州刺史
夫人威容端肅惠和柔順主祀多蘋藻之誠居家罕喜愠
之色既而神不福善修殲明德以公莅常山歲奄終遂
權窆丹楊北崗今卜宅北議茲遷祔取其年癸酉十月廿
六日葬於河南縣侯村南原禮也女實三□□實二賢閭

則公堂輝映蟬聯男之長曰炎攝嶺外諸郡茂績昭著廉
使頻表竟不真拜徐方伯逖聽屈聲辟為節度巡官奏授
大理評事兼下邳令賜緋魚袋男之次曰愜少工真草二
書善棊盡通史傳疾不願仕放情希夷有子若此得不謂
賢乎哉孟女環適河東柳寨仲女某適博陵崔蒙季女某
適河東薛當寡為河陽尉蒙為石邑丞當為故陝縣□有
齋三女操行貞明或琴比文姬或識侔周妙而孟也罹殃
季也早孀有蒙之□孝性尤異竭力事姑十年一志有女
若此豈非士也焉公年高卜性遁天惟三二宗儒學一
從釋氏雖幼冲而未立亦訓導而可至寡弱齡結好一紀
于茲顧中堂之以闡袞外舅之俄謝盧氏子嘗以寡備聞
私家之政庶工述作之體俾楊盛列用刻貞石銘曰
涿野氣清府君間生有述有德維亮維貞爰紉于泗謹言

可聽及化于興奸人就刑 上國拜位東宮議曹桑榆落
日几杖全高無士行之夢翼豈休微之佩刀旋車麟逝
水滔々宴喜之地他為哀號 先室維裴孤櫬東來洗川
美氣班女良材移窆此矣同歸在哉門門生恨積涓子悲
纏出送靈輜佳城古原樹墟接連草樹芊眠誓河山兮險
固期永代兮猶傳

魏夫人墓誌

高一尺七寸一分廣一尺六寸九分十七
行行二十十字正書蓋題魏夫人誌篆書

唐故秦州上邽縣令豆盧府君夫人墓誌

夫人鉅鹿魏氏曲陽人也曾祖諱行覽贈瀛州刺史祖諱
知古銀青光祿大夫守侍中工部二尚書上柱國梁國
忠公先府君諱詰正議大夫巴返邛歙寧五州刺史鉅鹿
縣開國男之第四女也夫人素行風容雅量情智天性殊

等人倫高標年十二適事豆盧府君即年廿二府君薨矣
婦德幼彰母儀夙著存歿不改其操寒暑匪易其心有女
一女法名道峻夫人年卅四丁先府君之憂卅三丁先太
夫人之憂仰蒼昊而罔極嗟人生如夢幻歎然自悟歸信
釋門齋戒不虧卅餘載頃曾授指趣心地於聖善寺大詔
禪師先登有學之源少證無言之果無何寢疾辛巳歲七
月廿九日終於東京康俗里第享年七十有一其年十一
月十四日權窆龍門山西原從宜禮也孤女毀瘠逾制幾
難勝匱頃其體道自真孝誠不匱託聖賢而資福節哀臨
以持經如在之敬罕儔專一之心可上復恐松檟凋朽陵
谷遷變紀于貞石為其誌焉

孫夫人墓誌

高一尺九寸五分廣一尺九寸八分二十三
行行二十三字第十七行二十二字正書

大唐前揚府參軍孫公亡夫人隴西李氏墓誌銘

并序

再從弟前蘇州海鹽縣尉公胄纂

夫人隴西狄道人也

唐畢王璋之六代孫同州司功

濬之孫左千牛衛大將軍先之次女自畢王至將軍皆蘊
閒平之德襲凡蔣之慶光顯弈葉且公且侯 夫人兮浴
日之近派承 慶雲之餘渥以幽閑婉孌在父母之家以
恭和淑慎盡婦姑之道詩所謂有齊季女君子好述德脩
於是矣初 吾兄以釋褐參廣陵軍事而 夫人哲兄案
邑淮海官則同僚情惟密友詳聞懿範遂歸于我協流
之詠盡琴瑟之和六姻知歸二族加好 吾兄俄以吏幹
縻職池陽尚暫拜 廟之禮未申枕篋之敬 夫人戀
慕之志形於顏色及罷所務方式征徒上天不仁夙殞貞
淑以貞元十八年四月十五日夭逝于池州之官舍享年

廿九嗚呼哀哉 吾兄悼和鳴之中輟痛偕老之無期二
子呱呱方在提抱顧影自吊撫存增慟爰自淮汴領護西
邁以明年四月廿二日窆于河南縣邙山之北原南去

舊塋一里禮也蓋

仁姑深念往之恩副

勤歸之意且有二嗣盡旌九原若同未見之儀何彰有後
之福俾迺先兆用是為老禮得從宜變而之正事適情至
談者美焉嗚呼敬足以尸蘋藻仁足以撫宗姻宜其享年
而天奪之年天難諶哉唯有令範刻諸貞石以為不朽可
矣銘曰

出公族兮降

德門

友琴瑟兮敬蘋蘩

雨絕雲兮

風過燭

徒銜恨於九原

高岑墓誌

高二尺三寸廣二尺二寸八分
二十七行行二十七字正書

唐故朝散郎前太子左贊善大夫高府君墓誌銘并序

從姪朝散大夫試滌州長史岳撰

府君諱岑字柳奴渤海蓆縣人也高氏宗門炎帝神

農氏之苗洎周之天子命我太公敬願為師遂與同

車歸國謚為齊侯于今八百年矣仲子息食邑於高奚

因地為姓息生閏封蓆縣伯其先韶穆義在斯也地連星

斗茂實柯篠礼樂衣冠何朝臣之不有隨左散騎常侍

諱祐公之五代祖高祖諱倓皇左監門衛大將軍

遼東隴右兩道持節大惣管平原郡開國公食邑二千戶

贈左武衛大將軍謚曰威公恩禮加也曾祖諱崇禮

皇雲麾將軍行左衛率府中郎將祖諱元琮

皇遂州司戶叅軍皆以大名令德可謂冠簪振楊佳聲克

紹前烈府君則司戶公之元子也鈞鏡含弘負才能重

自上積慶及公而祥降靈於德義之門稟粹於純仁之府
則府君之謂也豈期穹蒼昧鑒不祿于陝府陝縣之私
第春秋六十有三嗚呼才屈於壽命也去貞元十四年閏
五月五日扶護於洛陽縣平陰鄉王趙村邛山之陽權
禮也夫人弘農尚氏有淵慎之德孟氏之賢動為柔範
皆可師訓克誕英哲子孫其興果達于邦家皆夫人
和鳴之慶也奈何福善不永貞元十八年九月十三日寢
疾弃背享年七十有六亶事先遠地叶從宜元和二年八
月十七日歸葬于先府君之舊塋禮也悲夫死生言異
旌旒同歸丹穴含章終論松栢之路
長嗣邠寧節度押衙兼右隨四廂兵馬使知邠州留後兵
馬事銀青光祿大夫檢校太子賓客兼監察御史幼成虔
奉王事厯寧蕃維職綰京西疚心東洛血淚成疾亶禮

有加嗚呼哀哉九原一歸千古永畢門通吊鶴哀榮兩全
猶恐人代不恒來田變海刻記貞石篆于墓門銘曰
府君之德如岳之崇傳徽繼祖期乎勿窮惟君
碩量是有前風命也不顯時裁尚蒙其鴻範懿德
優柔禮節天何不祐神何不悅落我珠星沈
茲寶月精靈莫及芬馥永絕其邱山之南洛川之
北龜筮叶從宜於舊域其嗣必昌神謀厚德
万古千齡保之不忒

盧夫人墓誌

高廣各一尺六寸八分
二十行行二十字正書

唐鄉貢進士盧君夫人博陵崔氏墓誌

范陽盧雄撰

夫人諱媼姓崔氏博陵安平人曾父嘯皇秘書少監贈左

散騎常侍大父清皇晉州刺史父朴前左監門衛兵曹參
軍夫人則兵曹之長女生而惠和長而靜淑奉父母之
規以道從我閨儀懿範先誕德門秉則端莊實非常

訓事上之禮接下之恭抑抑若人物莫能類親黨間每與
余族坐口語多稱之淑能謂其賢宜得壽茂續我家終當
榮達偕老不幸短命年二十六遘疾終于尊賢里之私第
以元和丁酉歲七月十六日歸葬于河南縣平樂鄉之原
祔先舅塋禮也有子一人曰膳郎未離育哺之恩遽
降偏殃之咎寃毒同識撫嘆何言其親者與其疎者抱
而視之孰不悲填而釀痛嗚呼以夫人之行之賢不享豐
福不登永年吾恐為善者日益墮矣彼蒼蒼者極豈無知
乎抑有疾而鑿不至乎復脩短有定而至斯極乎痛何言
哉痛何言哉雄齊躰連生誓將無間不及斯年忽彫其半

刳心剖骨曷云其極以室家之內清規素行 追悼之不
及故銜哀抑涕強為之文書琢諸石以誌其墓側云
周著墓誌

高一尺九寸二分廣一尺九寸二寸十一
行行二十二至二十四字不等正書

唐故鄂州永興縣尉汝南周君墓誌銘并序

鄉貢進士侯璉撰

唐故鄂州永興縣尉汝南周君諱著字老彭唐戶部尚書
諱玄達京兆府美原尉諱釋否洺州鷄澤尉諱容尚書之
曾孫美原之孫鷄澤之嗣子則公也公早歲窮二經舉孝
廉貞元十六年擢上第元和中釋褐補晉州霍邑尉秩滿
次調鄂州永興尉君華族之後餘慶流芳居家有孝愛之
譽從宦布廉直之聲問望規矩人以則之嘗謂厚祿廣壽
以顯姻族嗚呼天不祐善使名立三紀宦纔二任而終以

大和八年歲次甲寅六月五日遘癘于揚州河南縣私第
享年六十八妻燕郡平氏故岳州昌江令諱陟之子婦道
令儀作範中外有子二人女二人長曰好古次好問長纔
幼學次乃稚齒女長曰喜奴次曰嬭奴皆孺弱之年未及
成人遽遘君禍嘻夫人携持諸孤親奉

禬祭用其

年十一月丁未朔八日甲寅窆于河南府河南縣平樂鄉
杜郭村嗚呼哀哉貞順克己砥礪為心胡不嚮厚祿保眉
壽而已奈何嬭少妻孤幼子而終焉則處世之艱危又何
君之甚歟故作銘以序

恭寃信敏兮子之四全祿不保德兮壽胡遘賢幼子嬰女
兮累々後前君其歿兮何甚斯遭我匪君親兮序不精妍
望樞增歎兮寧無潛然聊紀貞石兮永閑窮泉

崔夫人墓誌

高一尺九寸一分廣一尺九寸五分
分二十二行行二十二字正書

唐故崔夫人墓誌

彭城桂休源撰

亡妻崔氏諱霞字幼雲其先清河著族五代祖黃門侍郎
諱元綜由黃門已上官婚顯懿昭于史謀宜乎傳慶洪源
鍾美靈枝黃門生陵州司馬諱令同陵州生伊闕令諱琚
伊闕生澤州刺史諱倬澤州生美原尉諱亮美原娶隴西
李氏李夫人德充而儀整闢東修門教者多賢之夫人
即美原之第二女也生而聲和幼而性仁美原即世之日
夫人未亂回心之感聞于六姻十歲通何論古詩工為裁
製之事大和三年夏四月歸于我凡
奉養
蒸嘗
之助絜夫人之勤又能柔恪儉靜不惠簾戶觀看之樂
休源未娶有女子子一人夫人撫待甚慈外姻皆不知